

唐
音
統
籤

戊籤餘三十六

唐音統籤卷

七百九十

張蠙字象文清河人初與許崇張喬齊名登乾寧進士第爲校書郎櫟陽尉犀浦令王建開國拜膳部員外郎後爲金堂令王衍與徐后遊大慈寺見壁間書牆頭細雨垂纖草水面回風聚落花愛之問知蠙句給札令以詩進蠙以二百首獻衍頗重之將召爲知制誥宋光嗣以其輕傲止之僅賜白金而罷蠙生而穎秀幼能爲詩作登單于臺有白日地中出黃河天外來之句爲世所稱集二卷

唐志

二卷宋志一卷今仍唐舊 徐獻忠曰蠙詩稍通格調力去補納之弊遂不復用事然天才本少英

古未奇至於寫物
衆情乃多肖似

七言古詩

華陽道者

華陽洞裏持真經
心嫌來客風塵腥
惟餐白石過白日
擬騎青竹上青冥
翔螭豈作漢武駕
神蛾徒降燕昭庭
長生不必論貴賤
却是幽人骨主靈

五言律詩

塞上曲

邊事多更變
天心亦爲憂
胡兵來作寇
漢將也封侯
夜燒衝星赤
寒塵翳日愁
無門展微畧
空上望

西樓

朔方書事

秋盡角聲苦逢人睚眦城池向隴少岐路出關
多鴈遠行垂地烽高影入河仍聞黑山寇又覓漢
家和

館北書事

度磧如經海茫然但見空戍樓承落日沙塞礙驚
蓬暑過燕僧出騎平虜客通逢人皆上將誰有定
邊功

過蕭關

出得蕭關北，儒衣不稱身。
隴狐來試客，沙鵲下欺人。
曉戍殘衙火，晴原起獵塵。
邊戎莫相忌，非是霍家親。

登單于臺

邊兵春盡迴，獨上單于臺。
白日地中出，黃河天外來。
沙翻痕似浪，風急響疑雷。
欲向陰關度，陰關曉不開。

和崔監丞春遊鄭僕射東園

春興隨花盡，東園自養閒。
不離三畝地，似入萬重山。
白鳥穿蘿一作籬去，清泉抵石還。
豈同秦代客，無

位隱商顏

過山家

避暑得探幽忘言遂久留
雲深窓失曙松合徑先秋
響谷傳人語鳴泉洗客愁
家山不在此至此可歸休

宿山驛

驛在千峰裡寒宵獨此身
古墳時見火荒壁怕無鄰
月白翻驚鳥雲閒欲就人
祇應明日鬢更與老相親

經荒驛

古驛成幽境雲蘿隔四鄰夜燈移宿鳥秋雨禁行人
廢巷荆叢合荒庭虎迹新昔年經此地終日是
紅塵

宿山寺

中峰半夜起忽覺在青冥此

一作下

界自生雨上方

猶有星樓高鐘尚

一作獨

遠殿古像多靈好是潺湲

水房房伴誦經

宿開照寺光澤上人院

靜室譚玄青清宵獨細聽真身非有像至理本無
經鐘定遙聞水樓高別見星不教人觸穢偏說此

山靈

題紫閣院

上方人海外苔徑上千層洞壑有靈藥房廊無老
僧古巖雕素像喬木挂寒燈每到思修隱將回若
不能

貽曹郎中

所作高前古封章自曲臺細看明主意終用出人
才省印尋僧鎖書樓領鶴開南山有舊友時向白
雲來

逢漳州崔使君北歸

在郡多殊稱，無人不望回。
離城携客去，度嶺擔猿來。
障寫經冬藥，瓶緘落暑梅。
長安有歸宅，歸見鎖青苔。

雲朔逢山友

會面却生疑，居然似夢歸。
塞深行客少，家遠識人稀。
戰馬分旗牧，驚禽曳箭飛。
將軍雖異禮，難便脫麻衣。

次韻和友人冬日書齋

四季多花木，窮冬亦不凋。
薄冰行處斷，殘火睡來消。
象版簽書帙，蠻藤絡酒瓢。
公卿有知己，時得一

相招

邊將二首

歷戰蕪然北功高劍有威聞名敵國懼輕命故人
稀角怨星芒動塵愁日色微從爲漢都護未得脫
征衣

按劍立城樓西看極海頭承家爲上將開地得邊
州磧迴兵難伏天寒馬易收胡風一度臘吹裂錦
貂裘

贈棲白太師

剃髮得時名僧應別應星偶題皆有詔閒論便成

經掃葉寒燒鼎融冰曉注瓶長因內齋出多客叩
禪扃

贈聞一上人

見面雖年少聞名似白頭玄談窮釋旨清思掩詩
流果一作巢落痕生砌松高影上樓壇場在三殿應
召入焚修

贈可論上人

師教本於空流來不自東修從多劫後行出衆人
中衲冷湖山雨幡輕海甸風游吳累夏講還與虎
溪同

贈道者

得道疑人識都城獨閉關頭從白後黑心向關中
閒饑渴唯調氣兒孫亦駐顏始知仙者隱殊不在
深山

遇道者

數里白雲裏身輕無履蹤故尋多不見偶到卽相
逢古井生靈水高壇出異松聊看杏花酌便似換
羶客

途次績溪先寄陳明府

入境風煙好幽人不易傳新居多是客舊隱半成

仙山斷雲衝騎溪長柳拂船何當許過縣聞有篋
中篇

別後寄友生

一作崔
櫓詩

上馬如飛鳥飄然隔去塵共看今夜月獨作異鄉
人就養江田熟移居并賦新襄陽堪卜隱應與孟
家鄰

亂中寄友人

別來難覓信何處避艱危鬢黑無多日塵清是幾
時人情將厭武王澤卽興詩莫便懷深隱還應聖
主知

寄友人

戀道欲何如東西遠索居長疑卽見面翻致久無
書旬麥深藏雉淮苔淺露魚相思不我會明月屢
盈虛

寄太白禪師

何年萬仞頂獨有坐禪僧客上應無路人傳或見
燈齋廚一作唯一作有橡講石任生藤遙想東林社如
師誰復能

寄法乾寺令誣太師

師居中禁寺外請已無緣望幸唯修偈承恩不亂

禪院多宜種藥池有化生蓮何日龍宮裏相尋借
法船

將之京師留別親友

逢命何勞問西遊且自期至公如有日知我豈無
時野迥蟬相答堤長柳對垂酣歌一舉袂明發不
堪思

邊游別友人

欲別不止淚當盃難強歌家貧隨日長身病涉寒
多雨雪逆燕路田園隔楚波良時未自致歸去欲
如何

邊庭送別

一生雖達理遠別亦相悲
白髮無修處青松有老時
暮煙傳戍起寒日隔沙垂
市字押若是有意若是長安去
何難定後期

贈別山友

從容無限意不獨爲離群
年長驚黃葉時清厭白雲
舊山迴馬見寒瀑別家聞
相與存吾道窮通各自分

送徐州薛尚書

上將出儒中論詩後立功州
從禹後別軍自漢來

唐詩續集

卷九

戊

雄遠驛寒日嚴城蕭幕空龍顏有遺廟猶得莫
英風

送成州牧

清時爲寒郡自古有儒流素望知難愜新恩且用
酬犬牙連蜀國兵額貫秦州祇作三年別誰能聽
邑留

送董卿赴台州

九陌除書出尋僧問海城家從中路挈史隔數州
迎商蚌侵燈影春禽雜櫓聲開圖見異跡思上石
橋行

送人尉蜀中

故友漢中尉請爲西蜀吟
人家多種橘風土愛彈琴
水向昆明濶山通大夏深
理間無別事時寄一登臨

送繒雲尉

釋褐從仙尉之官興若何
去程唯水石公署在雲蘿
野阪樓中迥晴峰案上多
三年罷趨府應更戰高科

送友人赴涇州幕

杏園沉飲散榮別就嘉招
日月將期盡山川獨去

遙府樓明蜀雪關
嶺轉胡鵬
有
塵動應隨上

策銷

送友人及第歸新羅

家林滄海東
未曉日先紅
作貢諸蕃別
登科幾國同
遠聲魚呷浪
層氣蜃迎風
鄉俗稀攀桂
爭來問月宮

和友人送趙能卿東歸

一第時難得
歸期日已過
相看玄鬢少
共憶白雲多
楚澗天垂草
吳空月上波
無人
不有
遇之子
獨狂歌

送人歸南中

有家誰不別，經亂獨難尋。
遠路波濤惡，窮荒雨露深。
燒驚山象出，雷觸海鰲沉。
爲問南遷客，何人在瘴林。

送友人歸武陵

聞近桃源住，無村不是花。
戍旗招海客，廟鼓集江鴉。
別島垂橙實，閒田長荻芽。
遊秦未得意，看卽更離家。

哭建州李員外

詩名不易出，名出又何爲。
捷到重科早，官終一郡

甲素風無後嗣遺跡有生祠白罷羊公市溪猿苦
舊時

弔孟浩然

每每樵家說孤墳亦夜吟若重生此世應更苦前
心名與襄陽遠詩同漢水深親栽鹿門樹猶蓋石
牀陰

費徵君舊居

浮世拋身外棲蹤入九華遺篇補樂府舊籍隸仙
家池靜龜昇樹庭荒鶴隱花古來天子命還少到
煙霞

雨

半夜西亭雨離人獨戲關桑麻荒舊國雷電照前
山細滴高槐底繁聲疊漏間唯應孤鏡裏明月長
愁顏

野泉

遠出白雲中長年聽不窮細聲縈亂石

一作亂石寒色

入長空

一作潭空

挂壁聊成雨穿林別起風溫泉井爾

類源發在深宮

盆池

圓因陶化功外絕衆流通

一作處

離松影穿時減藥

叢別疑天在地長對月當空每使登門客煙波入夢中

鄭穀補闕山松

心將積雪欺根與白雲離遠寄僧猶憶高看鶴未知影交新長葉嫩匝舊生枝多少同時種深山不得移

新竹

新鞭暗入庭初長兩三莖不是他山少無如此地生垂梢叢上出柔葉籜間成何用高唐峽風枝掃月明

白菊

秋天木葉乾猶有白花殘
舉世稀栽得豪家却盡
看片苔相應滿諸卉獨宜寒
幾度携佳客登高欲
折難

叢葦

叢叢寒水邊
曾折釣魚船
忽與亭臺近
翻嫌島嶼
偏花明無月夜聲急正秋一作秋天
遙憶巴陵渡殘陽一
望煙

五言排律

送薛郎中赴江州

義州聞出剌謠美有江民正面傳天旨懸心禱岳
神尺書先假路紅旆旋燒塵鄴顯山川別衙開將
吏新散招僧坐暑閒載客行春聽事棋忘着標題
酒亂巡好編高隱傳多貌上界真近日居清近求
人在此人

送南海僧遊蜀

真修絕故鄉一衲度暄涼此世能先覺他生豈再
忘定中船過海臘後路沿湘野迥鴉隨笠山深虎
背囊瀑流垂石室蘿蔓蓋銅梁却後何年會西方
有上房

和友人許棠題宣平里古藤

欲結千年茂生來便近松
迸根通井潤交葉覆庭
穠歷代頻更主盤空漸變龍
晝風圓影亂宵雨細
聲重蓋密勝丹桂層危類遠峰
嫩條懸野鼠枯節
叫秋蛩翠老霜難蝕
皴多薜乍封幾家遙共翫何
寺不堪容客對忘離榻僧看誤
過鐘頃因陪預作
終夕遶枝筇

卷終

戊籤餘三十六張蟪之二

唐音統籤卷

七百九十一

七言律詩

長安春望

明時不敢臥煙霞又見秦城換物華殘雪未銷雙
鳳闕新春已發五侯家甘貧祇擬長緘酒忍病猶
期疆探佗故國別來桑柘盡十年兵踐海西涯

邊情

窮荒始得靜天驕又說天兵擬渡遼聖主尚嫌蕃
界近將軍莫恨漢庭遙草枯朔野春難發水結河
源夏半銷惆悵臨戎皆効國豈無人似霍嫖姚

言懷

十上聲沉覺自非賤身元合衣荷衣豈能得路陪
先達却擬還家望少微戰馬到秋長淚落傷禽無
夜不魂飛平生祗學穿楊箭更向何門是見機

下第述懷

十載長安跡未安杏花還是看人看名從近事方
知險詩到窮玄更覺難世薄不慚雲路晚家貧唯
怯草堂寒如何直道爲身累坐月眠霜思枉乾

過黃牛峽

黃牛來勢瀉巴川疊日孤舟逐峽前雷電夜驚猿

落樹波濤愁恐客離船盤渦逆入嵌空地斷壁高
分縹緲天多少人經過此去一生魂夢怕潺湲

夏日題老將林亭

百戰功成翻愛靜侯門漸欲似仙家墻頭雨細垂
纖草木向風迴聚落花并放轆轤閒浸酒籠開鸚
鵡報煎茶幾人圖在凌煙閣曾不交鋒向塞沙

宴駙馬宅

牙香禁樂鎮相携日日君恩降紫泥紅藥院深人
半醉綠楊門掩馬頻嘶座中古物多仙意壁上新
詩有御題別向庭蕪寘吟石不教宮妓踏成蹊

南康夜宴東溪留別郡守陸郎中

飄然野客才無取，多謝君侯獨見知。
竹葉樽前教駐樂，桃花紙上待題詩。
香迷峽蝶投紅燭，舞拂蕖葭倚翠帷。
明發別愁何處去，片帆天際酒醒時。

錢塘夜宴留別郡守

四方騷動一州安，夜列罇罍伴客歡。
鱗栗調高山閣迥，蝦蟆更促海城寒。
柳天挺云：江南以木桁警夜，曰蝦蟆更。屏間

佩響藏歌妓，幕外刀光立。
從官沈醉不愁歸，棹遠

曉帆吹上子陵灘。

不幸見此世界，猶以爲歡樂耶。

投翰林蕭侍郎

九仞墻邊絕路岐野才非合自求知靈湫豈要魚
栖浪仙桂那容鳥寄枝纖草不銷春氣力微應還
助岳形儀從來爲學投文鏡文鏡如今更有誰

投翰林張侍郎

舉家貧拾海邊樵來認仙宗在碧霄丹穴雖無凡
羽翼靈椿還向細枝條九衢馬識他門少十載身
辭故國遙願與吾君作霖雨且應平地活枯苗

投所知

十五年看帝里春一枝頭白未酬身自聞離亂開
公道漸散孤平少屈人劣馬再尋商嶺路扁舟重

寄越溪濱省郎門似龍門峻應借風雷變涸鱗

獻所知

跡熟荀家見弟兄九雷同與指前程吹噓漸覺響
香出夢寐長疑羽翼生佳僻驛驕皆識路來頻鷁
鷁亦知名登龍不敢懷他望低望爲霖致太平

贈李司徒

承家拓定隴關西勲貴名應上將齊金庫夜聞龍
甲冷玉堂秋閉鳳笙低歡筵每怨嬌娥醉開檻猶
驚戰馬嘶長惟魯儒頭枉白不親弓劍覓丹梯

贈九江太守

江頭覽駐木蘭船漁父來誇太守賢
三邑旋添新戶口四營漸廢舊戈鋌
笙歌不似經荒後禮樂如未戰前
昨日西亭從游騎信旗風裏說詩篇

贈信安太守

三衢正對福星時喜得君侯妙無綏
甲士散教耕壠畝書生閒許從旌旗
條章最是貧家喜禾黍防別郡饑
昨日中官說天意卽飛丹詔立新碑

贈丘衡推

仙都高處掩柴扉人世聞名見者稀
詩逸不拘凡對屬易窮皆達聖玄微
偶携童稚離青嶂便被君

唐音續集
侯換白衣任醉賓筵莫深隱綺羅絲竹勝漁磯

贈江都鄭明府

他人豈是稱才術才術須觀力有餘兵亂幾年臨
劇邑公清終日似閒居床頭惟石神仙畫篋裏華
賤將相書更欲栖蹤近彭澤香爐峰下結茆廬

贈南昌宰

懷邑邀真邑命分明庭元有至公存每鋤姦弊同
荊棘唯撫孤惻似子孫折獄不曾偏下筆靈襟長
是大開門新街便合兼朱紱應待蒼生更舉論

贈水軍都將

平生爲有安邦術便別秋曹最上階戰艦却容儒
客臥公廳唯伴野僧齋裁詩樹迴水膠筆養藥堂
深薛惹鞋直待門前見幢節始應高慙聖君懷

送盧尚書赴靈武

西北正傳烽候急靈州共喜信臣居從軍盡是清
才去橋吏無非大將除新地進圖移漢界古城遺
硯兄蕃書山川不異江湖景賓館常聞食有魚

喜友人自南廻

南游曾去海南涯此去游人不易歸白日霧昏張
夜燭窮冬氣暖着春衣溪荒毒鳥隨船啐洞黑冤

蛇出樹飛重入帝城何冥冥共迴遷客半輕肥

逢道者

縱意出山無遠近還如孤鶴在空虛昔年親種樹
皆老此世相逢人自疎野葉細苞深洞藥巖藤聞
東古仙書終尋隱跡歸何處方說煙霞不定居

觀江南牡丹

北地花開南地風寄根還與客心同羣芳盡怯千
般態幾醉能消一番紅舉世祇將華勝實真禪元
喻色爲空近年明主思王道不許新栽滿六宮

七言絕句

傾國可能勝劾國無勞冥冥更思回太真雖是承
恩死祗作飛塵向馬嵬

古戰場

荒骨潛銷壘已平漢家曾說此交兵如何萬古冤
魂在風雨時聞有戰聲

弔萬人塚

兵罷淮邊客路通亂鷗來去噪寒空可憐白骨橫
孤塚盡爲將軍覓戰功

經范蠡舊居

一變姓名離百越越城猶在范家無他人不見扁

舟意却笑輕生泛五湖

傷賈島

生爲明代苦吟身死作長江一逐臣
可是當時少知己不知知己是何人

華山孤松

石罅引根非土力冒寒猶助岳蓮光
綠槐生在膏腴地何得無心拒雪霜

戊籤餘三十七

至四十一同卷

唐音統籤卷

七百九十二

馮涓字信之信都人舉進士登宏詞科時危隱居
十年昭宗起爲眉州刺史陳田拒命棄郡於成都
墨池灌園自給王建以爲翰林學士雖詆諆傲物
而多有補益集十三卷唐志無今存詩二篇太平廣記
涓登第榜中文舉最高新羅國起樓蘭樊記時人
榮之
紀事云涓在西川重盟中獨踏陳田間羈
愁六年徒步嶺口著懷秦賦有
南冠麓吟等集皆傷躋蹙也

蜀馱引

昂藏大步豔叢國曲頸微伸高九尺卓女窺窓我
莫知嚴仙據案何曾識

自古皆傳蜀道難爾何能過拔蛇山忽驚登得難
翁磧又恐着鹿頭關

句

不隨俗物皆成土只待良時却補天

題支機石紀事

釜

魚化作池中物木屐浮爲天際船

苦雨

戊籤餘三十八

盧延讓字子善范陽人唐光化九年進士朗陵雷
滿辟從事滿敗歸王建僞授水部員外郎累遷給
事中終刑部侍郎延讓師薛能詩不尚奇巧人多
誚其淺俗獨吳融以其不蹈襲大奇之爲延譽成

名詩一卷

唐志無宋志有北夢瑣言云延義業詩二十五卷方登第卷中有孤衡官道

遷餉鰕店門開之句和唐使張濬親見此事每開

賞之又有餓猶歸鼠穴覓犬祇魚碎句爲中書令

成府所賞又有聚瀑流復夜滿鰕鼎翻爲蜀王

建州賞又有人曰平生散盡公卿不意得力於猫

鼠狗子也人

聞而笑之

苦吟

延讓初授此詩于吳融融讀至末句笑曰上門惡罵來

莫話詩中事詩中難更無吟安一個字然斷數莖

鬚險覓天應悶狂搜海亦枯不同文賦易爲著者

之乎

北夢瑣言云後延讓人翰苑閣筆而已同列戲之曰不同文賦易爲著之乎竟不稱職

數日

而罷

雪

瑞雪落紛華隨風一向斜地平鋪作月天迴撒成
花客滿燒煙舍牛牽賣炭車吾皇憂挾纊猶自問
君家

松寺

山寺取涼當夏夜共僧蹲坐石塔前兩三條電欲
爲雨七八個星猶在天衣汗稍停牀上扇茶香時
撥澗中泉通宵聽論蓮華義不藉松窓一覺眠

贈僧

浮世浮華一斷空偶拋煩惱到蓮宮高僧解語牙
無水老鵝能飛骨有風野色空餘生竹外山陰坐

久入池中禪師莫問求名苦滋味過於食蓼蟲

逢友人赴闕

正當天下待雍熙丹詔徵來早爲遲倚馬才高猶
愛藝問牛心在肯容私吏開黃閣排班處民擁青
門看入時却笑郡人留不得感恩唯擬立生祠

哭李郢端公

軍門半掩槐花宅每過猶聞哭臨聲北固暴亡兼
在路東都權塋未歸塋漸窮老僕慵看馬着慘佳
人陪理筭詩侶酒徒消散盡一場春夢越王城

謝楊尚書惠櫻桃

金爐紅怕動搖尚書知重賜櫻桃綠藍尚帶新
鮮葉潑血猶殘舊折條萬顆真珠輕觸破一團甘
露軟含消春來老病尤珍荷併食中腸似火燒

寒食日戲贈李侍御

十二街如市紅塵咽不開灑蹄驄馬汗沒處看花
來

樊川寒食二首

寒食權豪盡出行一川如畫雨初晴誰家絡絡游
春盛擔入花間軋軋聲

鞍馬和花總是塵歌聲處處有佳人五陵年少竊

於事考校量金買斷春

句

只訛夢子緣應耗沒多光

八月十六夜

臂鷹健卒懸

鹽帽騎馬佳人卷畫衫

送周太保赴浙西

每過私第邀

看鶴長着公裳送上驢

寄友

名昏毛生五門下家

僮骨立六街中

旅舍言懷

雲間關鐸騾駝至雪裏殘

骸虎拽來

蜀路

樹上謠諏批頰烏窓間壁駁叩頭

蟲

冬夜

以上諸詩揚大年嘗稱之大年翰苑召對太宗言及延讓詩曰似北溪近亦自成一體

莫欺零落殘牙齒曾吃紅綾餅餛來

紀事云延讓入蜀頗

爲蜀人所易故云云延讓故進士第二人曾燕於曲江勅大官十八人賜餅餛蓋唐御食以紅綾餅

事

子

竟

卷

七

百

九

十

二

四

戈

戈

戈

戈

戈

戈

餞爲上

渡水蹇驢雙耳直避風羸僕一肩高

雪

意也

高據襄陽播盛名問人人道是詩星

郭孟浩然

海錄

涼雨打低殘菡萏急風吹散小蜻蜓

見錦綉萬

碎事

谷

戊籤餘三十九

歐陽炯

一作迥

益州華陽人少事王衍爲中書舍人

孟蜀廣政中拜翰林學士歷門下侍郎平章事後

從景歸宋性坦率守儉素好爲歌詩嘗擬白氏諷

諫五十篇獻景景嘉賞之今存詩四篇

貫休應夢羅漢畫歌

貫休復益州名畫錄云貫休能詩善書畫王氏

建國時居蜀中龍華寺縱筆畫水墨羅漢
一十六身并一佛二大士巨石常雲林松
帶蔓諸古貌與他人畫不同或云夢中所
覩覺後圖之謂之應夢羅漢蜀主宣入內
歎其筆跡狂逸供養經月却令付
院中燭時在翰林曾觀之贈以歌

西嶽高僧名貫休孤情悄拔凌清秋天教水墨畫
羅漢魁岸古容生筆頭時搗大絹泥高壁閉目焚
香坐禪室然夢裡見真儀脫下袈裟點神筆高
握節腕當空擲悉窅毫端任狂逸遶巡便是兩三
軀不似畫工虛費日怪石安拂嵌復枯真僧列坐
連跣趺形如瘦鶴精神健頂似伏犀頭骨麤倚松
根傍巖縫曲錄腰身長欲動看經弟子擬聞聲瞋

睡山童疑有夢不知夏臘幾多年一手揩頤偏袒
肩口開或若共人語身定復疑初坐禪案前卧象
低垂鼻崖畔戲猿斜展臂芭蕉花裏刷輕紅苔蘚
文中暈深翠硬筇杖矮松床雪色眉毛一寸長繩
開梵夾兩三片線補衲衣千萬行林間亂葉紛紛
墮一印殘香斷煙火皮穿木屐不曾拖筭織蒲團
鎮長坐休公休公逸藝無人加聲譽喧喧遍海涯
五七字句一千首大小篆書三十家唐朝歷歷多
名士蕭子雲兼吳道子若將書畫比休公只恐當
時浪生死休公休公始自江南來入秦于今到蜀

無交親詩名畫手皆奇絕觀你凡人爭是人事一作

精

瓦棺寺裏維摩詰含衛城中辟支佛若將此畫

比量看總任人間爲第一

題景煥畫應天寺壁天王歌

信宗時會稽處士孫位畫至

蜀於應天寺門左壁上畫天王一座筆勢

往縱三十餘年無有敵者景煥等書畫與

炯爲忘形交一日同遊茲寺畫右壁天王

以對之炯爲歌行一篇以紀有草書僧夢

龜書之廊壁上成都

人號爲應天三絕

錦城東北黃金地故跡何人興此寺白眉長老重

名公曾識會稽山處士寺門左壁圖天王威儀部

從來何方鬼神恠異滿壁走當簷颼颼生秋光我

聞天王分理四天下水晶宮殿琉璃瓦綵仗時驅
佛休裝金鞭頻策騏驎馬毗沙大像何光輝手擎
巨塔凌雲飛地神對出寶餅子天女倒披金縷衣
唐朝說著名公畫周昉毫端善圖寫張僧繇是有
神人吳道子稱無敵者奇哉妙手傳孫公能於此
地留神蹤斜窺小鬼怒雙目直倚越狼高半臂寶
冠動總生威容趨蹌左右來傾恭臂橫鷹爪尖纖
利腰纏虎皮斑剝紅飄飄但恐入雲中步驟還疑
歸海東蟒蛇拖得渾身墮精魅搦來雙眼空當時
此藝實難有鎮在寶坊稱不朽東邊畫了空西邊

留與後人教敵手後人見者皆心驚盡爲名公不
敢爭誰知未滿三十載或有異人來問生匡山處
士名稱朴頭骨高竒連五嶽曾持象簡累爲官又
有蛇珠常在握昔年長老遇竒蹤今日門師識景
公興來便請泥高壁亂搶筆頭如疾風逡巡隊仗
何顛逸散漫竒形皆湧出交加髑髏滿虛空兩面
或然如關敵聖王怒色覽東西劍刃一揮皆整齊
鹿頭獅子咬金甲脚底夜叉擎絡鞢馬頭壯健多
筋節烏背彎環如屈鐵遍身虺虺亂縱橫連領鬪
骸乾子裂眉蠟眼豎髮如錐惟異令人不可知科

頭巨卒欲生鬼半面女郎安小兒况聞此寺初興
置地脉沈沈當正氣如何請得二山人下筆咸成
千古事君不見明皇天寶年畫龍致雨非偶然包
含萬象藏心裡變現百般生眼前後來畫品列名
賢唯此二人堪比肩人間是物皆求得此樣欲於
何處傳嘗憂壁底生雲霧揭起寺門天上去

大遊仙詩

此詩刻宋林師藏天台志作歐陽炳或炳字之誤也

赤城霞起武陵春桐柏先生解守真白石橋高曾
縱步朱陽館靜每存神囊中隱訣多仙術肘後方
書濟俗人自領蓬萊都水監只憂滄海變成塵

楊柳枝

軟碧搖煙似送人
映花時把翠蛾嚙
青青自是風流主
慢駛金絲待洛神

句

古人重到今人愛
萬局都無一局同

賦棋韻語陽秋

戊籤餘四十

牛路

公卿

一字延峰僧儒之孫博學有文以歌

詩著名乾符五年第進士歷遺補尚書郎王建鎮

蜀辟判官及僭位爲給事中有歌詩三卷

唐宋志無首考

有自序慕李長吉爲詞

今存詩六首

紅薔薇

曉啼珠露渾無力，繡簇羅襦不着行。
若綴壽陽公主額，六宮爭肯學梅粧。

楊柳枝五首

解凍風來木上青，解垂羅袖拜卿卿。
無端裏娜臨官路，舞送行人過一生。

虞王宮裏色偏深，一簇纖條萬縷金。
不憤錢塘蘇小小，引郎松下結同心。

并第總錄云：因詠柳而貶松，所謂尊題格也。有收松

下作枝
下者誤

橋北橋南千萬條，恨伊張緒不相饒。
金羈白馬臨

風望認得羊家靜婉腰

狂雪隨風撲馬飛惹煙無力被春欺莫交移入靈
和殿宮女三千又如伊

裏翠籠煙拂暖波舞裙新染翅塵羅章華臺畔隋
堤上傍得春風爾許多

戊籤餘四十一

牛希濟嶠之猶子才學繁瞻超於時輩蜀先主召
爲起居郎官至御史中丞後入唐詩一首

奉詔賦蜀主降唐

江南野錄云天成初明宗

蜀主降唐詩多以蜀主爲言蜀希濟歸之

天命明宗曰不忘君親忠孝也賜物百段

唐音統籤

卷七百九十二

九

戊

滿城文武欲朝天不覺鄰師犯塞煙唐主再懸新
日月蜀王難保舊山川
非干將相扶持拙自是君
臣數盡年古往今來亦如此
幾曾歡笑幾潸然

戊籤餘四十二

唐音統籤卷

七百九十三

羅隱字昭諫新登人本名橫十上不中第遂更名

從事湖南歷淮潤皆無合久之歸投錢鏐累官錢

塘令鎮海軍掌書記節度判官鹽鐵發運副使著

作佐郎奏授司勳郎梁祖以諫議大夫召不行魏

博羅紹威推爲叔父表薦給事中年七十七終隱

少聰敏作詩文多以譏刺爲主有甲乙詩集今編

爲八卷

唐志無集錄宋志歌詩十四卷甲乙集三卷外集詩一卷通考陳氏書錄甲乙集皆

詩凡十卷後集五卷紀事云隱初隱池之梅根

浦自號江東生廣明中池守竇綯營墅居之隱

爲唐相鄭畋李蔚所知畋女覽其詩諷誦不已有

慕才意隱貌寢陋女一日簾窺之自此絕不詠其

唐音統籤

卷七百九十三

一

戊

詩北夢瑣言云隱頻不得意頗怨望爲貴遊子弟所排契濶東歸黃冠事平朝賢議欲召之韋貽範沮之曰某與同舟而載未相識舟人告云此有朝官羅曰是何朝官我脚夾筆亦可敵得數輩必若登科通籍吾徒爲執據也由是不果召江南李氏嘗遣使聘越越人問見羅給事否使人曰不識亦不聞名越人云四海聞有羅江東何拙之甚使人曰爲金榜上無名所以不知吳越備史云新登龍江常有二氣旦十江終夜不滅隱及杜建徽生氣不復見議者以爲文武秀氣

四言古詩

蟋蟀詩

頑颺斃芳吹愁夕長屑戌有動歌離弔夢如訴如言緒引虛寬周隙伺榻繁咽黃緣范睡蟬老冠峨綏好不冠不綏爾奚以悲蚊蚋有毒食人肌肉蒼

蠅多端黑白偷安爾也出處物兮莫累壞舍啼衰
虛堂泣曙勿狗喧譁鼠也無牙勿學萋菲垣亦有
耳危條槁飛抽恨咿咿別帳缸冷柔魂不定美人
在何夜影流波與子佇立徘徊思多

五言古詩

空城雀

雀入官倉中所食能損幾所慮往復頻官倉乃害
爾魚網不在天鳥網不張水飲啄要自然何必空
城裏

隴頭水

借問隴頭水年年恨何事全疑嗚咽聲中有征人
淚自古無長策況我非深智何計謝潺湲一宵空
不寐

晚泊宿松

安慶府志

解纜隨江流晚泊古淮岸歸雲送春和繁星麗雲
漢春深胡雁飛人喧水禽散仰君邈難親沈思夜
將旦

錢塘遇默師憶潤州舊遊

見京口三山志

歌敲玉唾壺醉擊珊瑚枝石羊妙喜街甘露平泉
碑捫苔想豪傑剔蘚看文詞歸來北固山水檻光

參差

庭花

昨日芳艷濃開樽幾同醉今朝風雨惡惻惻人生
事南威病不起西子老兼至向晚寂無人相偎
紅淚

七言古詩

巫山高

下壓重泉上千仞香雲結夢西風緊縱有精靈得
往來欲輓騶軒亦顛隕嵐光雙雙雷隱隱愁爲衣
裳恨爲鬢暮灑朝行何所之江邊日月情無盡珠

零冷露丹墀楓細腰長臉愁滿宮人生對面猶異
同况在千巖萬壑中

江南行

郭茂倩樂府及詩話並作羅隱本集無

江南濕雨鮫綃軟漠漠遠山眉黛淺水國多愁又
有情夜槽壓酒銀船滿細柳搖煙凝曉空吳王臺
榭春夢中鴛鴦鷓鴣喚不起平鋪綠水眠東風西
陵路遠月悄悄油壁車輕嫁蘇小一作蘇小小

江南別

郭茂倩樂府

去年今夜江南別鴛鴦翅冷飛蓬熱今年今夜江
北邊鯉魚腸斷音書絕男兒心事無了時出門上

馬不自知

酬丘光庭

正月十一日書札五月十六日到來柳吟秦望咫尺地鯉魚何處閒徘徊故人情意未踈索次第序述眉眼開上言二年隔煙水下有數幅真瓊瑰行吟坐讀口不倦瀑泉激射琅玕摧壁池蘭蕙日已老村酒蘸甲時幾杯鶴齡鴻算一作漸不復見雨後蓑笠空莓苔自從黃寇擾中土人心波蕩猶未迴道殷舍眼拜九列張濬掉舌升三台朝廷濟濟百揆序寧將對面客姦回禍生有基妖有漸翠華西

幸蒙塵埃三川梗塞兩河閉大明宮殿生蒿萊懦夫早歲不量力策蹇仰北高崔嵬千門萬戶扃鎖密良匠不肯雕散材君今得意尚如此況我麋鹿悠悠故榮衰貴賤目所觀莫嫌頭白黃金臺

薛陽陶齋集歌

太平廣記云咸通中丞相李蔚自大梁移鎮淮海構亭曰

賞心閣浙右小校薛陽陶監押度支軍米入城公喜其姓名有同宋崖李相左右者試詢之果是公甚喜如獲古物召詢往日盧管之事薛因獻李相及陸暢元白所撰歌一軸次出盧管於茲亭奏之聲如天際自然而來情思寬闊公爲詩嘉賞錫賚甚豐授其二子牢盆倅職意是時隱在賓筵同賦也

平泉上相東征日曾爲陽陶歌齋築烏江太守會

稽侯相次三篇皆俊逸

李德裕曾作薛陽陶盛栗歌蘇州刺史白居易越州

刺史元稹並有和篇此言烏江恐是吳江之誤言蘇州白公也

喬山殯葬衣冠後

金印蒼黃南去疾龍樓冷落夏口寒從此風流爲

廢物人間至藝難得主懷抱差池恨星律邇溝僕

射戎政閒試渡瓜洲吐伊鬱西風九月草樹秋萬

喧沈寂登高樓老篁揭指微羽吼煬帝起坐淮王

愁高飄咽滅出滯氣下感知已時橫流穿空激遠

不可遏髮髯似向伊水頭伊水清今已矣因取

遺編認前事武宗皇帝御宇時四海恬然知所自

掃除桀黠似提箠制壓權豪若穿鼻九鼎調和各

有門謝安空儉真兒戲功高近代竟誰知藝小似
君猶不棄勿惜暗鳴更一吹與君共下難逢淚

長短句

芳樹

細萼

一作
藥

慢逐風暖香閒破鼻青帝固有心時時

漏天意

一作動
人意

去年高枝猶壓地今年低枝已樵

賴吾所以見造化之權變通之理春夏作頭秋冬
作尾循環反覆無終已人生長短同一軌若使威
可以制力可以止則秦王不肯歛手下沙丘孟賁
不令低頭入蒿里伊人強猛猶如此顧我勞生何

足恃但願我開素抱傾綠蟻陶陶兀兀大醉於清
宵白晝間任他上是天下是地

五言律詩

效玉臺體

青樓枕路隅壁甃復椒塗晚夢通簾押春寒逼酒
壚解吟憐芍藥難見恨菖蒲試問年多少鄰姬亦
姓胡

春居

東風百卉搖舊國路迢迢偶病成踈散因貧得寂
寥倚簷高柳弱乘露小桃妖春色常無處村醪更

一瓢

絕境

絕境非身事流年但物華水梳苔髮直風引蕙心
斜凡客從題鳳膚音未勝蛙小船兼有槳始與問
漁家

茅齋

從事不從事養生非養生職爲尸祿本官是受恩
名時態已相失歲華徒自驚西齋一卮酒衰老與
誰傾

傷華髮

舊國迢迢遠，清秋種種新。已衰曾軫慮，初見忽沾巾。
日薄梳兼懶，根危鋤恐頻。青銅不自見，只擬老他人。

遣興

青雲路不通，歸計柰長蒙。老恐蠶方悞，窮憂酒盞空。
何堪離亂後，更入是非中。長短遭譏笑，迴頭避釣翁。

遁跡

遁跡知安往，沾襟欲柰何。朝廷猶禮樂，郡邑忍干戈。
華馬憑誰問，胡塵自此多。因思漢文帝，中夜憶

廉頗

輕颺

輕颺掠晚莎秋物慘關河戰壘平時少齋壇上處
多楚雖尤子重漢亦憶廉頗不及雲臺議空山老
薜蘿

使者

使者銜中青崎嶇萬里行人心猶未革天意似難
明四海霍光第六龍張奉營陪臣無以報西望不
勝情

倚棹

倚棹聽鄰笛沾衣認酒鑪自緣悲巨室誰復爲窮
途樹解將軍夢城遺御史烏直應齊始了傾酌向
寒蕪

舊遊

良時不復再漸老更難言遠水猶經眼高樓似斷
魂依依宋玉宅歷歷長卿村今日空江畔相於只
酒罇

秋夕對月

夜月色可掬倚樓聊解顏未能分冠盜徒欲滿關
山背冷金蟾滑毛寒玉兔頑姮娥謾偷藥長短老

中間

秋晚

宰邑慚良術爲文愧壯圖縱饒長委命爭柰漸非
夫杯酒有時有亂離無處無金庭在何處回首
踟躕

秋霖後

淨碧山光冷圓明露點勻渚蓮丹臉恨堤柳翠眉
頻蟬已送行客雁應辭主人蠅蚊漸無况日晚自
相親

除夜

官曆行將盡，村醪強自傾。
厭寒思暖律，畏老惜殘更。
歲月已如此，寇戎猶未平。
兒童不諳事，歌吹待天明。

雪霽

南山雪乍晴，寒氣轉崢嶸。
鏢却閒門出，隨他駿馬行。
一竿如有計，五鼎豈須烹。
愁見天街草，青青又欲生。

城西作

從軍無一事，終日掩空齋。
道薄交游少，才疎進取乖。
野禽鳴聒耳，庭草綠侵階。
幸自甘檮櫟，何妨慙

所懷

冬暮城西晚眺

謬忝蓮花幕，虛沾栢署官。
歎危長抱疾，衰老不禁寒。
時事已日過，世途行轉難。
千崖兼萬壑，只向望中看。

寒食日早出城東

青門欲曙天，車馬已喧闐。
禁柳搖風細，牆花拆露鮮。
向誰誇麗景，只此是流年。
不得高飛便，回頭望紙鳶。

題玄同先生草堂三首

間丘方達有道術隱
餘杭大滌山景福中

吳越王泰請賜紫微玄同先生重建
天柱宮以居一日作控鶴坐而遊

杳杳諸天路蒼蒼大滌山景興留不得毛節去應
聞相府舊知己教門新啟關太平匡濟術流落在
人間

先生訣行日曾奉數行書意密尋難會情深恨有
餘石橋春暖後勾漏藥成初珍重雲兼鶴從來不
定居

常時憶討論歷歷事猶存酒向餘杭盡雲從大滌
昏往來無道侶歸去有台恩自此玄言絕長應閉
洞門

杜處士新居

翠斂王孫草荒誅宋玉茅冠餘無故物時薄少深
交迸笋穿行逕饑雛出壞巢小園吾亦有多病近
來拋

早秋宿葉隨所居

池荷葉正圓長曆報時殫曠野雲蒸熱空庭雨始
寒蠅蚊猶得志簾席若爲安浮世知誰是勞歌共
一歡

戊籤餘四十二羅隱之二

唐音統籤卷

七百九十四

五言律詩二

秋浦

晴川倚落暉極目思依依野色寒來淺人家亂後稀
久遊身不達多病意常違還有漁船在時時夢裏歸

四頂山

見方輿勝覽

勝景天然別精神入畫圖一山分四頂三面瞰平湖
過夏僧無熱凌冬草不枯遊人來至此願剃髮和鬚

秋江

秋江待晚潮客思旆旌遙細雨翻蘆葉高風怯柳
條兵戈村落破饑餒虎狼驕吾土兼遭此離魂望
裏銷

九江早秋

雨過晚涼生樓中枕簟清海風吹亂木巖磬落孤
城百歲幾多日四蹄無限程西鄰莫高唱俱是別
離情

陝西晚思

長途已自窮此去更西東樹色榮衰裏人心往返

中別情流水急歸意故山空莫忘交遊分從來事
一同

邊夜

光景飄如水流生涯轉似萍雁門窮朔路牛斗故鄉
星書罷愁誰切歌終淚自零夜闌迴首算何處不
長亭

旅夢

旅夢無遷次窮愁有歎嗟子爲京口遠粳米曾稽
除漏澁纔成滴燈寒不作花出門聊一望蟾桂向
人斜

秋日富春江行

遠岸平如翦，澄江靜似鋪。
紫鱗仙客馭，金鵬李衡奴。
冷疊千山瀾，清涵萬象殊。
嚴陵亦高見，歸臥是良圖。

南康道中

弱冠負文翰，此中聽鹿鳴。
使君延上榻，時輩仰前程。
丹桂竟多故，白雲空有情。
惟餘路傍淚，沾灑向塵纓。

宿彭蠡館

孤館少行旅，解鞍增別愁。
遠山矜薄暮，高柳怯清

秋病裏見時態醉中思舊遊所懷今已矣何必恨
東流

臺城

水國春常在臺城夜未寒
麗華承寵渥江令捧杯
槃宴罷明堂爛詩成寶炬殘
兵來吾有計金井玉
枸欄

昇仙橋

危梁枕路岐駐馬問前時
價自友朋得名因婦女
知直須論運命不得逞文詞
執戟居鄉里榮華更
若爲

早登新安縣樓

關城樹色齊，往事未全迷。
塞路真人氣，封門壯士泥。
草濃延蝶舞，花密教鶯啼。
若以鳴爲德，鸞凰不及雞。

封禪寺居

盛禮何由覩，嘉名偶寄居。
周南太史淚，蠻徼長卿書。
砌竹搖風直，庭花泣露疎。
誰能賦秋興，千里隔吾廬。

靈山寺

晚景聊攄抱，憑欄幾蕩魂。
檻虛從四面，江濶柰孤

根幽徑薜蘿色小山蒼蘚痕欲依師問道何處繫
心猿

秋日懷賈隨進士

邊寇日騷動故人音信稀長纓慚賈誼孤憤憶韓
非曉匣魚腸冷春園鴨掌肥知君安未得聊且示
忘機

秋日懷孟夷庚

秋葉黃波下孤舟憶共誰江山三楚分風雨二妃
祠知已秦貂沒流年賈鵬悲中原正兵馬相見是
何時

雪中懷友人

臘酒復臘雪故人今越鄉所思難把盞端坐恨無
航兔苑舊遊盡龜臺仙路長未知鄭孟子何以奉
梁王

思故人

故人不可見聊復拂鳴琴鵲遶風枝急螢藏露草
深平生四方志此夜五湖心惆悵友朋盡洋洋漫
好音

期徐道者不至

遶鶴虛空語冥鴻未易親偶然來卽是必擬見無

因霜霰窮冬冷杯盤旅舍貧只應學子訓醉後懶
分身

途中逢劉知遠

吳楚煙波裏巢由季孟間只言無事貴不道致身
閒別渚蓮根斷歸心桂樹頑空勞鍾璞意塵世隔
函關

亂後逢友人

滄海去未得倚舟聊問津生靈寇盜盡方鎮改更
頻夢裏舊行處眼前新貴人從來事如此君莫獨
沾巾

題方干詩

中間李建州夏汭偶同遊
顧我論佳句推君最上流
九霄無鶴板雙鬢老漁舟
世難方如此何當浣旅愁

李建州類干門人也

江夏酬高崇節

臘雪都堂試春風汴水行
十年雖抱疾何處不無情
群盜正當路此游應隔生
勞君問流落山下已躬耕

酬高崇節

舊遊雖一夢別緒忽千般
敗草湯陵晚衰槐楚寺

寒數竒常自媿時薄欲何干猶賴君相勉慇懃貢
禹冠

寄制誥李舍人

梁王握豹韜雪裏見枚臯上客趨丹陛游人歎二
毛門閒知待詔星動想濡毫一首長楊賦應嫌索
價高

寄大理寺徐郎中

佐棘竟誰同因思證聖中事雖亡顯報理合有陰
功官序詵枝老生涯范甌空幾時潘好禮重與話

清風

證聖中徐有功爲大理少卿執法
平恕麗城主簿潘好禮著論美之

寄禮部鄭員外

樂邵門風大裴王禮樂優班資冠雞舌人品壓龍頭
夜直鑪香細晴編疏草稠近聞潘散騎三十二
悲秋

寄蘇拾遺

拾遺許公之後今
猶居開元中舊第

早歲長楊賦當年諫獵書格高時輩伏言切宦情
踈慷慨傳丹桂艱難保舊居退朝應課草能忘馬
相如

秋日寄狄補闕

紅塵擾擾間立馬看南山漫道經年往何妨逐日

閒病中霜葉赤愁裡髩毛斑不爲良知在驅車已
出關

寄侯博士

規諫揚雄賦邇迴賈誼官久貧還往少孤立轉遷
難清鏡流年急高槐旅舍寒侏儒亦何有飽食向
長安

寄金吾李孫常侍

西班牙掌禁兵蘭鎗最分明曉色嚴天仗春寒避火
城安危雖已任韜畧卽嘉聲請問何功德壺關寇
始平

寄易定公乘億侍御

侍御有明皇再見阿蠻舞及龍池柳賦時稱冠

絕也

謝舞仍宮柳高奇世少雙侍中生不到園令死須
降班秩通烏府尊疊近碧幢昭王有餘烈試爲禱
迷邦

寄虔州薛大夫

祝融峰下別三載夢魂勞地轉南康重官兼亞相
高海鵬終負日神馬背眠槽會得窺成績幽窓染
兔毫

寄袁皓侍御

東堂失路歧榮辱事堪悲我寢牛衣弊君居矛角
危風塵慚上品才業媿明時千里芙蓉幕何由話
所思

寄徵士魏員外

嘉遁蘇門節清貧粉署官不矜朝命重只恨路行
難窓曉雞談倦庭秋蝶夢闌羨君歸未得還有釣
魚竿

寄剡縣主簿

金庭養真地珠篆勾稽官境勝堪長往時危喜暫
安洞連滄海濶山擁赤城寒他日拋塵土因君擬

煉丹

初夏寄顧紹宗

江上偶分袂四迴寒暑更青山無路入白髮滿頭
生鄧浦雁尋過鏡湖蟬又鳴憐君未歸日杯酒若
爲情

除夜寄張達

梅花已着眼竹葉泥粘唇只此留殘歲那堪憶故
人亂離書不達衰病日相親江浦思歸意明朝又
一春

寄陸龜蒙

李相公蔚在淮南嘗徵其詩

龍樓李丞相昔歲仰高文黃閣尋無主青山竟未
聞夜船乘海月秋寺伴江雲却恐塵埃裏浮名點
汗君

寄許融

文苑英華作與
于融二語別

多病仍踈拙唯君與我同帝鄉年共老江徼業俱
空燕冷辭華屋蛩涼恨曉叢白雲高幾許全屬採
芝翁

秋寄張坤

庭樹已黃落閉門俱寂寥未知棲託處空羨聖明
朝酒醒鄉心濶雲晴客思遙吾徒自多感顏子只

簞瓢

初秋寄友人

九華曾屏跡，雁亂與心違。
是處堪終老，新秋又未歸。
病中芳草歇，愁裏白雲飛。
樵侶兼同志，音書近亦稀。

秋居有寄

端居湖岸東，生計有無中。
魘處千般鬼，寒時百種風。
性靈從道拙，心事柰成空。
多謝金臺客，何當一笑同。

寄洪正師

奇蹇渾成跡經年滯杜南價輕猶有二足則已過
三雞肋曹公忿猪肝仲叔慙會應謀避地依約近
禪庵

北固亭東望寄默師

高亭暮色中往事更誰同水漫矜天濶山應到此
窮病憐京口酒老怯海門風惟有言堪解何由見
遠公

送李右丞分司東城

分曹得洛川讜議更昭然左省曾批勅中臺肯避
權所悲時漸薄共賀道尤全賣與清平代相兼直

幾錢

送沈光侍御赴職闕中

未至應居右全家出帝鄉
禮優逢苑雪官重帶臺霜
夜浦吳潮吼春灘建水狂
延平有風雨從此是騰驤

商於驛與于韞玉話別

南朝徐庾流洛下憶同遊
酒秣閒坊菊山登遠寺樓
相思勞寄夢偶別已經秋
還被青青桂催君不自由

柳江遷客

不是逢清世何由見皂囊事雖危虎尾名勝汨
鴛行尋霧柳江濶愁雲楚驛長歸時有詞賦一爲弔
沅湘

哭太常張博士

前輩倏云歿魏君曾北方格卑雖不稱言重亦難
忘諫草猶青瑣悲風已白楊只應移理窟泉下對
黃長

感舊

紀事云隱受知於令狐絢此詩哭絢作

劍佩孫弘閣戈鋌大尉營重言虛有位孤立竟無
成丘隴笳簫咽池臺歲月平此恩何以報歸處是

柴荆

題段太尉廟

近甸蒙塵日南梁反正年飄流茂陵苑零落太官
椽建纛非降楚披圖異錄燕堪嗟侍中血不及御
衣前

姑蘇真娘墓

墓在虎丘
西寺內

春草荒墳墓萋萋向虎丘死猶嫌寂寞生肯不風
流皎鏡山泉冷輕裾海霧秋還應伴西子香逕夜
深遊

蘇小小墓

魂兮攜李城猶未有人耕好月當年事殘花獨處
情向誰曾豔冶隨分得聲名應侍吳王宴蘭橈暗
送迎

菊

籬落歲云晏數枝聊自芳雪裁纖蘂密金拆小苞
香千載白衣酒一生青女霜春叢莫輕薄彼此有
行藏

殘花

已歎良時晚仍悲別酒催暖芳隨日薄輕片逐風
迴黛歛愁歌扇粧殘泣鏡臺繁陰莫矜銜終是共

塵埃

紅葉

不柰荒城畔那堪晚照中
野晴霜裊綠山冷雨摧
紅遊子灞陵道美人長信宮
等閒俱歲暮搖落意無窮

鷹

越海霜天暮辭韜野草乾
俊通司隸職嚴奉武夫
官眼惡藏鋒在心麤逐物
殫近來脂膩足驅遣不妨難

燕

不必嫌漂露何妨養羽毛漢妃金屋遠盧女杏梁
高野迥雙飛急煙晴對語勞猶勝黃雀在棲息是
蓬蒿

鷺聲

井上梧桐暗花間霧露稀一枝晴復暖百轉是兼
非金屋夢初覺玉關人未歸不堪閒日聽因爾又
沾衣

蝶

滕王刀筆精寫爾逼天生舞巧何妨急飛高所恨
輕野田黃雀慮山館主人情此物那堪作莊周夢

不成

螢

空庭夜未央
點的度西牆
抱影何卑細
乘時忽發揚
不思因腐草
便擬倚孤光
若道通文翰
車公業豈長

詠錢

志士不敢道
貯之成禍胎
小人無事藝
假爾作梯媒
解釋愁腸結
能分睡眠開
朱門狼虎性
一半逐君迴

堠子

終日路岐傍前程亦可量未能慚面黑只是恨頭
方雅旨逾千里高文近兩行君知不識字第一莫
形相